

Lejendär

Musik: Nils Schreiber, Mike Kremer

Text: Nils Schreiber, Mike Kremer

Et is su wigg, do spörs et kribbelt üvverall,
die Naach wor vill zo koot, doch dat is jetz ejal
Kei Zigg zom Zögere, noh drusse op die Stroß
un mer laufe loss

Mer sin nit allein, et kumme immer mih
un se sin all bereit, su bereit wie nie
Mir holle jode, ahle Zigge widder her,
hägg weed lejendär

Uns Kraff heiße Musik, mer föhle met däm Beat,
all, wat mer bruche, sin Stemme un e Leed
Mer könne kultiviert, mer könne ordinär,
jo, hägg weed lejendär

*immer wigger, et jeiht immer wigger, et jeiht immer wigger zu däm Rhythmus
immer wigger, et jeiht immer wigger, et jeiht immer wigger, weil do met muss*

Mir sin doför jebore, alle Häng noh bovve

Fiere is nit su schwer un der Dag weed lejendär

Oh oh oh - Hägg weed lejendär

Ein Hoch op fröher, ein Hoch op dat, wat wor,
un jeilerweise sin se all hägg widder do
Kumm, loss mer danze, denn doren sin mer jod,
un dä decke Pitter schlächt em Tak dozo

*immer wigger, et jeiht immer wigger, et jeiht immer wigger zu däm Rhythmus
immer wigger, et jeiht immer wigger, et jeiht immer wigger, weil do met muss*